

Završetak mandata Ureda za pravnu reformu u Brčkom

Ured za pravnu reformu u Brčkom (BLRO) je završio svoj mandat i zatvara se 31. decembra 2003. godine.

BLRO je naslijedio Komisiju za reviziju zakona u Brčkom (BLRC), osnovanu u junu 1999. godine na osnovu ovlaštenja iz Konačne arbitražne odluke za Brčko. Pod okriljem OHR-a Brčko, BLRC je vršio reformu zakona i postavio i primijenio instrumente za uspostavu jedinstvenog nezavisnog pravosudnog sistema za Brčko Distrikt.

Oktobra 2001. godine, OHR je donio odluku da su primarni ciljevi BLRC-a u znatnoj mjeri ostvareni, pa se BLRO tada, kao ured koji je zamijenio BLRC, prevashodno posvetio podršci i obuci pravosuđa u Brčkom. Sudije i tužioci Distrikta su imali brojne prilike za odlazak na obuke u nekoliko zemalja Evrope i Sjedinjene Američke Države.

Pravosuđe u Distriktu je doživjelo brz razvoj zahvaljujući grupi sudija i advokata neuobičajeno visokih stručnih sposobnosti. Pravosuđe Brčko Distrikta je napredovalo u stručnom pogledu do tačke na kojoj podrška ureda isključivo posvećenog tom cilju više nije potrebna. BLRO se zatvara uz uvjerenje da pravosuđe radi nezavisno i da je sposobno da se postara da je pravedan i dostupan pravosudni sistem na raspolaganju svim građanima, bez obzira na pripadnost etničkoj grupi ili naciji, kroz ostvarenje fundamentalnih principa transparentnosti i odgovornosti u radu.